

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28. stav (2), članom 29. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22, 14/22 i 18/22), na prijedlog Ministarstva za privredu, Vlada Zeničko-dobojskog kantona, na 181. sjednici, održanoj dana 17.11.2022. godine, d o n o s i

ZAKLJUČAK

o usvajanju Programa utroška budžetskih sredstva u 2022. godini “Podrška javnim tijelima u pripremi projekata javno-privatnog partnerstva”

I.

Usvaja se Program utroška budžetskih sredstava u 2022. godini – “Podrška javnim tijelima u pripremi projekata javno-privatnog partnerstva”, Ministarstva za privredu Zeničko-dobojskog kantona, u iznosu 60.000,00 KM (slovima:šezdesethiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Mirnes Bašić

Broj: 02- _____ /22
Datum, 17.11.2022. godine
Z e n i c a

DOSTAVLJENO:

1x Ministarstvo za privredu,
1x Ministarstvo finansija,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU/GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

**PROGRAM
UTROŠKA BUDŽETSKIH SREDSTAVA U 2022. GODINI**

“Podrška javnim tijelima u pripremi projekata javno-privatnog partnerstva”

Zenica, novembar 2022. godine

PROGRAM
UTROŠKA BUDŽETSKIH SREDSTAVA U 2022. GODINI
“Podrška javnim tijelima u pripremi projekata javno-privatnog partnerstva”

I. UVOD

Pravni osnov za donošenje Programa utroška budžetskih sredstava u 2022. godini – Podrška javnim tijelima u pripremi projekata javno-privatnog partnerstva nalazi se u članu 28. stav (2), članu 29. stav (1) i članu 46. Zakona o izvršavanju budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22, 14/22 i 18/22).

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

II. IZVOR FINANSIRANJA

Budžetom Zeničko-dobojskog kantona za 2022. godinu, („Službene novine Zeničko-dobojskog kantona“, broj:1/22 i 14/22), utvrđena su finansijska sredstva, ekonomski kod 614100 – Podrška javnim tijelima u pripremi projekata javno-privatnog partnerstva iz Kataloga projekata 2021 u iznosu od 50.000,00 KM i ekonomski kod 822500 – Učešće u zajedničkim ulaganjima u iznosu od 10.000,00 KM.

III. ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2022. godinu, Programa rada Vlade Zeničko-dobojskog kantona za 2022. godinu i Zakona o javno-privatnom partnerstvu („Službene novine Zeničko-dobojskog kantona“, broj: 6/16), Ministarstvo za privredu je planiralo utrošak sredstava, na sljedeći način:

1. PODRŠKA JAVNIM TIJELIMA U PRIPREMI PROJEKATA JAVNO-PRIVATNOG PARTNERSTVA IZ KATALOGA PROJEKATA 2021

UKUPAN IZNOS: 50.000,00 KM

Indikatori: Broj identifikovanih projekata i broj pripremljenih projekata u skladu sa Zakonom o javno-privatnom partnerstvu u Katalogu potencijalnih JPP projekata

1.1. Edukacija javnih tijela o primjeni modela javno-privatnog partnerstva

Indikatori: Broj identifikovanih projekata

Nosilac: Sektor za neproizvodne djelatnosti, razvoj i obrt

Iznos: 12.000,00 KM

Svrha:

Strategijom razvoja Zeničko-dobojskog kantona za period 2021.-2027. godina, model javno-privatnog partnerstva je prepoznat kao jedan od načina ne samo za unapređenje javnih usluga, već i za poticanje ekonomskog razvoja kantona u cjelini, a naročito lokalnih zajednica te za olakšavanje investicija privatnog sektora.

U skladu sa tako postavljenim strateškim odrednicama, a u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Ministarstvo će provesti edukaciju predstavnika javnih tijela jedinica lokalne samouprave o referentnom zakonskom okviru za primjenu modela javno-privatnog partnerstva i proceduri pripreme i ugovaranja javno-privatnog partnerstva. Edukaciju javnih tijela jedinica lokalne samouprave će provoditi državni službenici Ministarstva za privredu u saradnji s Regionalnom razvojnom agencijom za regiju Centralna BiH (REZ d.o.o.) i angažmanom stručnih konsultanata iz oblasti javno-privatnog partnerstva.

Organizacija-primalac: Pravna i fizička lica iz oblasti javno-privatnog partnerstva

Kriteriji: Ministarstvo će u skladu sa pozitivnim zakonskim propisima iz oblasti nabavke usluga angažovati stručne konsultante iz oblasti javno-privatnog partnerstva. Jedinice lokalne samouprave će na poziv Ministarstva za privredu delegirati lica za učešće na edukacijam.

1.2. Podrška javnim tijelima u pripremi projekata javno-privatnog partnerstva iz Kataloga projekata

Indikatori: Broj pripremljenih projekata u skladu sa Zakonom o javno-privatnom partnerstvu

Nosilac: Sektor za neproizvodne djelatnosti, razvoj i obrt

Iznos: 38.000,00 KM

Svrha:

Strategijom razvoja Zeničko-dobojskog kantona za period 2021.-2027. godina, model javno-privatnog partnerstva je prepoznat kao jedan od načina ne samo za unapređenje javnih usluga, već i za poticanje ekonomskog razvoja kantona u cjelini, a naročito lokalnih zajednica te za olakšavanje investicija privatnog sektora.

U skladu sa tako postavljenim strateškim odrednicama, a u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Vlada Kantona će sufinansirati pripremu projektne dokumentacije (idejni projekti, studije izvodljivosti i dr.) za projekte koje javna tijela, u skladu sa Uredbom, identificiraju u Katalogu projekata. Na ovaj način će se osigurati 100% uvećanje sredstava uložениh u ekonomski razvoj (kooperacija sa drugim javnim tijelima).

Organizacija-primalac: Javna tijela na području Zeničko-dobojskog kantona (organ uprave i upravne organizacije Kantona i jedinica lokalne samouprave sa područja Kantona, javne ustanove i javna preduzeća čiji je osnivač i većinski vlasnik Kanton ili JLS, nadležan za pružanje predmetne javne usluge.

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2022. godini, članom 28. stav (2) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2022. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

2. UČEŠĆE U ZAJEDNIČKIM ULAGANJIMA

UKUPAN IZNOS: 10.000,00 KM

Indikatori: Broj projekata realizovanih u skladu sa Zakonom o javno-privatnom partnerstvu

Svrha:

U cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva, Vlada Kantona će finansijski podržati JPP projekte iz zajedničke ili podijeljene nadležnosti Kantona i drugih javnih tijela, odnosno one projekte koji su od značajnog interesa za Kanton, a koji proizilaze iz Kataloga projekata JPP.

Organizacija-primalac: Organ uprave i upravne organizacije Kantona

Kriteriji: Prema odlukama Vlade Kantona.

REKAPITULACIJA

Rb.	NAZIV PROGRAMA	Iznos sredstava KM
1.	PODRŠKA JAVNIM TIJELIMA U PRIPREMI PROJEKATA JAVNO-PRIVATNOG PARTNERSTVA IZ KATALOGA PROJEKATA 2021.godine	50.000,00
1.1.	Edukacija javnih tijela o primjeni modela javno-privatnog partnerstva	12.000,00
1.2.	Podrška javnim tijelima u pripremi projekata javno-privatnog partnerstva iz Kataloga projekata 2021	38.000,00
2.	UČEŠĆE U ZAJEDNIČKIM ULAGANJIMA	10.000,00
	UKUPNO:	60.000,00

Dakle, u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Vlada Kantona i Ministarstvo za privredu će provesti edukaciju predstavnika javnih tijela jedinica lokalne samouprave o referentnom zakonskom okviru za primjenu modela javno-privatnog partnerstva i proceduri pripreme i ugovaranja javno-privatnog partnerstva u saradnji s Regionalnom razvojnom agencijom za regiju Centralna BiH (REZ d.o.o.) i angažmanom stručnih konsultanata iz oblasti javno-privatnog partnerstva, sufinansirati pripremu projektne dokumentacije (idejni projekti, studije izvodljivosti i dr.), te finansijski podržati JPP projekte javnih tijela sa područja Zeničko-dobojskog kantona.

Imajući u vidu činjenicu da će realizacija zavisiti od prijavljivanja potencijalnih korisnika, odnosno njihovog interesa, planirana sredstva se mogu prelijevati iz projekta u projekt.

PREMIJER

Broj: 02- _____ /22

Datum, 17.11.2022. godine

Z e n i c a

Mirnes Bašić

DOSTAVLJENO:

1x Ministarstvo za privredu,

1x Ministarstvo finansija,
1x a/a.